



Datos Do Expediente:

SOLICITUDE XENERICA (TX-01)		
Unidade Tramitadora:		
Promoción Económica - MEMD		
Número expediente:	Documento:	Data:
ECO/2024/7	ECO18I00HI	30-12-2024
6357 5R35 1T2C 6232 135R		

CONVENIO DE COLABORACIÓN ENTRE O CONCELLO DE NARÓN E A "FUNDACIÓN PARA EL FOMENTO DEL CONOCIMIENTO DE LA CONSTRUCCIÓN NAVAL Y DE LAS ACTIVIDADES MARÍTIMAS, EXPONAV" EN MATERIA DE PROMOCIÓN ECONÓMICA

CAPÍTULO 1.- Identificación dos subscriptores do convenio e capacidade xurídica

Dunha parte: Dona Marian Ferreiro Díaz, con DNI: _____ que actúa en nome e representación do Concello de Narón, con CIF. P-1505500-G, na súa condición de Alcaldesa-Presidenta do mesmo.

Doutra parte: D. Gonzalo Villar Rodríguez con DNI: _____ en calidade de presidente da entidade da Fundación para el Fomento del Conocimiento de la Construcción Naval y de las Actividades Marítimas – EXPONAV, con CIF: G-15944564 e enderezo Edificio Herrerías. Cantón de Molíns s/n 15940.

CAPÍTULO 2.- Fundamento do Convenio

A "Fundación para el Fomento del Conocimiento de la Construcción Naval y de las Actividades Marítimas – EXPONAV", é unha Fundación de carácter privado, sen ánimo de lucro, inscrita en decembro de 2004 no Rexistro de Fundacións do Estado, que ten como misión ofrecer comprensión e coñecemento do noso pasado naval á sociedade, a industria e a comunidade científica, contando a historia da construción naval desde o século XVIII até os nosos días.

Por outra banda, o Concello de Narón pasou a formar parte da Fundación como patrono dado o interés común de ámbalas dúas entidades en vitalizar e impulsar todos os aspectos relacionados coa promoción e dinamización económica da comarca.

O convenio baséase no interés público e no impacto social e económico das actividades de EXPONAV na comarca de Ferrolterra. Estas iniciativas dinamizan o sector turístico, fomentan o coñecemento histórico e industrial da construción naval e contribúen á conservación e divulgación dun patrimonio singular.

As accións descritas neste convenio enmárcanse no compromiso do Concello de Narón e da Fundación EXPONAV co desenvolvemento cultural e social, fortalecendo a identidade e o atractivo da comarca.



Analizada a necesidade e oportunidade, así coma o impacto positivo na poboación desta actuación e a existencia de crédito suficiente nos orzamentos municipais do Concello de Narón, ve a necesidade de formalizar un convenio co a entidade idónea para o desenvolvemento do programa indicado, xa que é imposible executar estas actuacións cos medios dos que dispón actualmente o Concello.

Dada a especificidade do colectivo, a falta de entidades especializadas en traballar con el, e que contén con recursos e a infraestrutura necesaria, resulta difícil realizar unha convocatoria pública para a execución do programa.

Este convenio está recollido no Plan Estratéxico de Subvencións do Concello de Narón para os anos 2024, 2025 e 2026, coa a fin de acadar o obxectivo de expoñer e conservar o patrimonio técnico, ornamental e documental relativo a construción naval e o sector marítimo de España relacionado coa Exposición Nacional da Construción Naval perseguindo unha dinamización económica da comarca de Ferrolterra.

CAPÍTULO 3.- Obxecto

Este convenio ten a finalidade de establecer a colaboración entre o Concello de Narón e a Fundación EXPONAV para o apoio e desenvolvemento das actividades promovidas polo Museo da Construción Naval. Estas actividades inclúen a prevención de riscos laborais, a realización de exposicións e eventos culturais na Sala Carlos III, así como a promoción do patrimonio bibliográfico e documental da Fundación.

As actividades comprendidas neste convenio desenvolveranse entre o 1 de xaneiro de 2024 e o 31 de decembro de 2024.

CAPÍTULO 4.- Descrición do Convenio

A Fundación EXPONAV, xestora do Museo da Construción Naval situado no Edificio de Herrerías, destaca como referente nacional e europeo na divulgación da historia e tecnoloxía da construción naval. A entidade desenvolve unha ampla variedade de actividades culturais, educativas e de investigación dirixidas á sociedade, industria e comunidade científica.

Dentro das actuacións que sen enmarcan dentro deste convenio destacan as seguintes:

Prevención de riscos laborais: Garantir a seguridade dos traballadores mediante contratación de servizos especializados, medición de gas radón e incorporación dun equipo de cardioprotección.

Exposicións na Sala Carlos III: que constitúe un espazo para a realización de mostras pictóricas, fotográficas e artísticas en xeral, así como conferencias, cursos, seminarios, presentacións de libros e xornadas divulgativas destacando a diversidade de iniciativas que enriquecen a oferta cultural da Fundación.

As exposicións previstas para 2024 son as seguintes:

- Exposición Asociación NARART;
- Exposición Liceo Europeo de las Artes;



- Exposición Artistas Gaditanos, Galegos e Portugueses. Comisariada por Cristina Carballedos;
- Exposición litografías. Consulado de Arxentina en Vigo e museo do Grabado de Ribeira;
- Exposición Fondo Paramés

A fundación EXPONAV mantén un importante fondo documental relacionado coa construción naval con rexistros históricos dende 1751.

Este patrimonio bibliográfico é preservado e posto a disposición para Proxectos educativos e de investigación, promovendo o coñecemento neste ámbito especializado.

As actuacións de EXPONAV son de interés público, social e económico, por iso ofrécese a realizar visitas guiadas, talleres e actividades para a xente nova.

O Museo da Construcción Naval está adicado á historia da construción naval no mundo e en particular en España. É considerado polos expertos coma o máis completo de Europa na súa temática

Durante o período de vixencia do convenio, a entidade achegará:

- Infraestrutura e persoal, os recursos necesarios para o desenvolvemento do programa, nos períodos que abrangue o convenio.
- Achega dos materiais que fosen precisos.
- Organización e xestión do programa conveniado.

Durante o período de vixencia do convenio, o Concello de Narón achegará:

- A achega económica reflectida no capítulo 6.

Recursos humanos: asesoramento técnico-administrativo en todo o relacionado co contido do convenio.

CAPÍTULO 5. Obrigas

Son obrigas de EXPONAV:

1º.- Acreditar **antes da aprobación do convenio** de colaboración a seguinte documentación:

- ▶ Memoria explicativa do proxecto ou proxectos a desenvolver, incluído un orzamento estimativo de gastos e ingresos:
 - Actividades ou programas desenvolvidos, con expresión de calendario e lugar de execución.
 - Obxectivos ou resultados acadados, características, estrutura e metodoloxía da actuación ou programa.
 - Número de beneficiarios desagregados por sexo.
 - Declaración de recursos humanos relacionados coa actividade ou programa: profesionais asalariados, voluntariado, etc.
 - Recursos materiais: descrición de instalacións e equipamento.
 - Orzamento de execución detallado con expresión do custo dos recursos humanos e materiais.



- Declaración responsable de estar legalmente constituída e inscrita no rexistro municipal de entidades cidadás do Concello de Narón cos datos actualizados (Anexo A1)
- Declaración responsable do/a Presidente/a sinalando se a entidade obtivo outras axudas, subvencións, e/ou ingresos procedentes de calesqueira outra Administración Pública, entidade privada, ou de particulares, para a realización dos mesmos programas e actividades (Anexo A2).
- Declaración responsable do/a presidente/a de non concorrência con outras axudas municipais para a mesma finalidade (Anexo 8).
- Autorización do/a presidente/a ao Concello para obter as certificacións de estar ao corrente ou non ter débedas coa Seguridade Social, a Agencia Estatal de Administración Tributaria e da Axencia Tributaria de Galicia (Anexos 11,12 e 13)

No caso de presentar as certificacións orixinais recabadas directamente pola entidade dos organismos citados, non será precisa esta autorización

- Declaración responsable do/a presidente/a de non estar incurso, tanto o asinante como a entidade, nas causas de incompatibilidade ou incapacidade para obter a condición de beneficiario previstas no art. 13 da Lei 38/2003 (Anexo A3).
- Modelo T-TES-01, do Concello de Narón, de datos bancarios, sempre que non consten neste Concello ou fose modificados, ou documento municipal que o substitúa.
- Declaración responsable do/a presidente/a do non ter obrigas pendentes de pago por reintegro subvencións (Anexo A4).
- Declaración responsable do/a presidente/a de que a entidade cumpre coa normativa vixente en materia de plan de autoprotección, de ser o caso (Anexo A5).
- Declaración responsable do/a Presidente/a de que os usuarios/as das actividades obxecto desta axuda están cubertos por un seguro de responsabilidade civil e/ou accidentes, que cubre axeitadamente ditas continxencias (Anexo A6).

2º.- Realizar os programas e actividades obxecto deste convenio.

3º.- Presentar a seguinte documentación para a **xustificación** do convenio, ata o día **31/01/2025**, segundo o artigo 10 da Ordenanza xeral de subvencións do Concello de Narón:

- Pequena memoria das accións desenvolvidas. A memoria de actividades deberá contemplar a estrutura descrita no Anexo A7.
- Certificación expedida polo/a Secretario/a da entidade de execución das actividades obxecto do convenio.
- Relación clasificada dos gastos e inversións da actividade, con identificación do emisor e do documento, importe, data de emisión e data de pago (Anexo A9).



Declaración responsable do/a Presidente/a de que os usuarios/as das actividades obxecto desta axuda están cubertos por un seguro de responsabilidade civil e/ou accidentes, que cubre axitadamente ditas continxencias (Anexo A6).

Publicitar en galego a subvención recibida seguindo as seguintes normas:

- No local da entidade deberá figurar na entrada ou recepción unha placa ou cartel, visible, indicando a colaboración do Concello de Narón coa expresión do escudo do concello e a lenda "Entidade cofinanciada polo Concello de Narón no ano 2024" segundo o modelo do Anexo 10
- No caso de campañas informativas, documentación propia de cada actividade, publicidade web, etc., a entidade deberá de utilizar o mesmo modelo do Anexo 10
- A xustificación do cumprimento da publicidade farase mediante fotografía de primeiro plano e fotografía contextual da placa ou cartel na entrada da entidade, exemplares da propaganda impresa e enlace web onde estea inserida a publicidade.

Autorización do/a presidente/a ao Concello para obter as certificacións de estar ao corrente ou non ter débedas coa, Seguridade Social, a Agencia Estatal de Administración Tributaria e coa Axencia Tributaria de Galicia (Anexos 11, 12 e 13)

No caso de presentar as certificacións orixinais recabadas directamente pola entidade dos organismos citados, non será precisa esta autorización

Declaración responsable do/a Presidente/a sinalando se a entidade obtivo outras axudas, subvencións, e/ou ingresos procedentes de calesqueira outra Administración Pública, entidade privada, ou de particulares, para a realización dos mesmos programas e actividades (Anexo A2).

Declaración responsable do/a presidente/a de non concorrência con outras axudas municipais para a mesma finalidade (Anexo 8).

Declaración responsable do/a Presidente/a de non estar incurso, tanto o declarante como a entidade, nas causas de incompatibilidade ou incapacidade para ser beneficiarias ou percibir subvención da Administración públicas previstas no at. 13 da Lei 38/2003 (Anexo A3).

Declaración responsable do/a presidente/a de non ter obrigas pendentes de pago por reintegro subvencións (Anexo A4).

Declaración responsable do/a presidente/a de que a entidade cumpre coa normativa vixente en materia de plan de autoprotección, de ser o caso (Anexo A5).

tendendo ao artigo 69 da Lei 39/2015 de 1 de outubro do Procedemento Administrativo Común das Administracións Públicas, as declaracións responsables correspondentes aos anexos A3, A4 e A5 non será necesario presentalas na xustificación (sempre que se manteña o cumprimento das obrigas ás que fan referencia) porque xa foron achegas no seu momento para a firma do convenio, e o



mencionado artigo establece que as declaracións responsables son válidas durante o período de tempo inherente ao recoñecemento ou exercicio deste convenio. No caso de producirse algún cambio, este deberá ser comunicado debidamente ao Concello de Narón.

4º.- Outras obrigas

- Someterse ás actuacións de comprobación e control previstas no parágrafo d) do apartado 1 do artigo 15 da Lei 38/2003, de 17 de novembro, Xeral de Subvencións.
- Remitir os informes, certificados e demais documentos que reclame o Concello, así como facilitar toda a información que lle sexa requirida no exercicio das súas funcións de fiscalización e control do destino das axudas.

CAPÍTULO 6.- Compromiso económico, obrigas e sistema de abono

O Concello de Narón realizará unha achega económica ata un máximo de **10.000,00 € (Dez mil euros)**, que terá a consideración de subvención nominativa e como tal aparece recollida nos orzamentos desta entidade para o presente exercizo con cargo á aplicación orzamentaria 4330-48000. Aboarase nun único pago, unha vez aprobado por Resolución de Alcaldía a xustificación deste convenio, nos termos establecidos na cláusula quinta.

A entidade beneficiaria estará obrigada a xustificar documentalmente o cumprimento das condicións impostas e a aplicación dos fondos recibidos. O importe a xustificar será o total do proxecto ou acción subvencionada. No caso de que a xustificación presentada non alcance o 100 por cento do proxecto adxudicado, a subvención reducirase proporcionalmente.

IMPORTE DO PROXECTO PRESENTADO:	10.000,00 EUROS
IMPORTE CONCEDIDO:	10.000,00 EUROS
IMPORTE MÍNIMO A XUSTIFICAR:	10.000,00 EUROS
IMPORTE MÍNIMO A IMPUTAR:	10.000,00 EUROS

A responsabilidade de calquera circunstancia, dano ou prexuízo consecuencia da execución deste convenio e da realización das actividades que ten por obxecto, é exclusiva da Fundación para el Fomento del Conocimiento de la Construcción Naval y de las Actividades Marítimas – EXPONAV.

As actividades comprendidas neste convenio desenvolveranse entre o **1 de xaneiro e o 31 de decembro de 2024**.

Considéranse **gastos subvencionables** aqueles que de maneira indubitada respondan á natureza da actividade subvencionada, dentro dos que se inclúen os gastos de prevención de riscos laborais e as actividades da Sala Carlos III.

Os gastos de investimento que teñan relación directa coas actividades subvencionadas ou necesarios para o seu desenvolvemento e que non foran obxecto dunha subvención específica para a súa adquisición polo Concello de



NARÓN

Narón, tamén terán a consideración de gastos subvencionables. A amortización destes gastos, para a inclusión dos mesmos na xustificación da subvención, limitarase a un máximo de 3 anos.

Enténdese para estes efectos como gasto realizado o que foi efectivamente pagado con anterioridade á finalización do período de xustificación determinado neste convenio, e que se realizou no prazo establecido para o desenvolvemento do mesmo.

Os pagos en efectivo terán que axustarse ao límite que estableza a normativa de aplicación en cada momento.

A efectos do disposto no artigo 10 da Ordenanza Xeral de Subvencións do Concello de Narón, e no artigo 75 do R.D.887/2006, do 21 de xullo, Regulamento que desenvolve a Lei 38/2003, Xeral de Subvencións, para a xustificación deste convenio presentarase unha conta xustificativa simplificada.

Para dar cumprimento ao que se establece no artigo 75.3 do Real decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, Xeral de Subvencións, e o artigo 10.1.10 da Ordenanza Xeral Municipal de Subvencións do Concello de Narón, e á instrucción da Intervención Xeral Municipal de data 18 de maio de 2023 na que se establece a porcentaxe de xustificantes de gastos a comprobar, o órgano instrutor comprobará o 50% dos xustificantes de gasto dos beneficiarios aplicando o mostraxe aleatorio simple, deixando constancia no expediente mediante informe do seu resultado.

CAPÍTULO 7.- Vixencia, revisión e resolución

Vixencia. O presente convenio supón a anulación de calquera convenio de data anterior e terá vixencia dende o **01/01/2024 ao 31/12/2024** referíndose a todas as actividades realizadas dende o comezo da vixencia contidas no texto do documento.

Revisión, causas e contidos. O convenio poderá revisarse cando as circunstancias, finalidade ou obxecto para o que fose concibido variase substancialmente.

Resolución. Nos casos puntuais contemplados na normativa vixente, e cando non se estea a cumprir o obxecto do convenio, interpretado discrecionalmente polo concello de Narón de acordo cos criterios fixados na normativa legal aplicable.

CAPÍTULO 8- Avaliación, seguimento e interpretación:

O seguimento e avaliación das actividades deste convenio efectuarase por unha comisión composta por:

A Concelleira de Promoción Económica

A Técnico de Promoción Económica e Programas de Cooperación

O Xerente da Fundación para el Fomento del Conocimiento de la Construcción Naval y de las Actividades Marítimas – EXPONAV

De persistir as incidencias ou dúbidas, a interpretación das mesmas serán resoltas por Resolución de Alcaldía.

CAPÍTULO 9.- Causas de invalidez da resolución de concesión e reintegro



Serán causas de resolución da concesión da subvención as contempladas no art. 47 da Lei 39/2015, do 1 de outubro, do Procedemento Administrativo Común das Administracións Públicas, no art. 36 da Lei 38/2003, de 17 de novembro, Xeral de Subvencións, e no art. 32 da Lei 9/2007, de 13 de xuño, de Subvencións de Galicia.

Serán causas de anulabilidade da resolución de concesión as demais infraccións do ordenamento xurídico e, en especial, das regras contidas na normativa legal reguladora das subvencións.

A declaración xudicial ou administrativa de nulidade ou anulación, a renuncia da beneficiaria, e nos demais supostos de incumprimento por parte da beneficiaria, levará consigo a obriga de devolver as cantidades percibidas.

Procederá o reintegro das cantidades percibidas e a existencia dos xuros de demora dende o momento do pagamento da subvención ata a data en que se acorde a procedencia do reintegro, ou a data na que o debedor ingrese o reintegro se é anterior a esta, na contía legalmente establecida, e coa tramitación previa do expediente, nos supostos referidos nos puntos anteriores, e nos supostos referidos ao artigo 12 da Ordenanza Xeral de Subvencións do Concello de Narón.

CAPÍTULO 10 : Réxime sancionador.

O artigo 13 da Ordenanza xeral de subvencións do Concello de Narón remítese á Lei 9/2007, de 13 de xuño, e a Lei 38/2003, de 17 de novembro, para as infraccións e sancións. De conformidade co artigo 58.b) da Lei xeral de subvencións constitúe infracción moi grave a non aplicación, en todo ou en parte, das cantidades recibidas aos fins para os que a subvención se concedeu. No artigo 61 da Lei de subvencións de Galicia régulanse as sancións por infraccións moi graves.

O artigo 66.3 da Lei xeral de subvencións establece que a competencia para impoñer sancións nas corporacións locais corresponde aos órganos de goberno que teñan atribuídas tales funcións na lexislación de réxime local. A dita competencia correspóndelle ao alcalde en virtude da competencia residual do artigo 21.1.s) da Lei reguladora das bases do réxime local (LRBRL).

Ao abeiro do artigo 67 da Lei xeral de subvencións, a imposición das sancións en materia de subvencións efectuarase mediante expediente administrativo no que, en todo caso, darase audiencia ao interesado antes de ditarse o acordo correspondente e que será tramitado conforme ao disposto na Lei 39/2015, de 1 de outubro, do procedemento administrativo común das Administracións Públicas.

CAPÍTULO 11: Réxime de compatibilidades

A subvención concedida a través deste convenio será compatible con outras subvencións, axudas ou ingresos coa mesma finalidade, procedentes de calquera outra administración ou de entes públicos ou privados, nacionais, da Unión Europea ou de organismos internacionais, sempre que a totalidade das axudas non supere o custo da actividade a desenvolver polo beneficiario.

Toda alteración das condicións tidas en conta para a concesión da subvención, e en todo caso a obtención concorrente doutras achegas fóra dos casos permitidos nas



normas reguladoras, poderá dar lugar á modificación da resolución de concesión, nos termos establecidos na normativa reguladora da subvención.

A subvención concedida a través deste convenio será incompatible con outra subvención para o mesmo proxecto, procedente doutra área ou doutra concellería do Concello de Narón.

CAPÍTULO 12: Natureza xurídica

O presente convenio ten natureza administrativa, subscribíndose no ámbito de aplicación de:

- Lei 7/1985, de 2 de abril Reguladora das Bases de Réxime Local
- R.D.L 781/1986, de 18 de abril, polo que se aproba o Texto Refundido das Disposicións Legais vixentes en materia de Réxime Local
- R.D.L. 2/2004, de 5 de marzo, polo que se aproba o Texto refundido da Lei reguladora das Facendas Locais.
- Lei 38/2003, de 17 de novembro, Xeral de Subvencións.
- R.D. 887/2006, de 21 de xullo, polo que se aproba o regulamento da Lei 38/2003, Xeral de Subvencións.
- Lei 9/2007, de 13 de xuño, de Subvencións de Galicia.
- Decreto 11/2009, de 8 de xaneiro que aproba o regulamento da Lei 9/2007
- Lei 15/2014, de 16 de setembro, de racionalización do Sector Público e outras medidas de reforma administrativa.
- Lei 39/2015, de 1 de outubro, do Procedemento Administrativo Común.
- Lei 40/2015, de 1 de outubro, do Réxime Xurídico do Sector Público.
- Ordenanza Xeral de Subvencións do Concello de Narón.
- Bases de Execución do vixente orzamento.

A subscripción do presente convenio non ten carácter contractual e non implicará relación contractual algunha entre o Concello de Narón e as persoas que desenvolvan as accións que constitúen o obxecto do mesmo, de xeito que por este concepto non se lle poderá esixir responsabilidade algunha, nin directa nin subsidiaria, polo acontecido no desenvolvemento do conveniado.

O Concello de Narón será titular dos resultados obtidos no desenvolvemento deste programa.

Serán competentes para coñecer de cantos litixios puideran xurdir entre as partes, como consecuencia do presente convenio, os Xulgados do Orde Xurisdiccional Contencioso- Administrativo de Ferrol.

Para aqueles aspectos non previstos neste convenio será de aplicación o previsto na Lei 38/2003, de 17 de novembro, Xeral de Subvencións; no R.D. 887/2006, de 21 de xullo, polo que se aproba o regulamento da Lei 38/2003, Xeral de Subvencións; na Lei 9/2007, de 13 de xuño, de Subvencións de Galicia; na Ordenanza Xeral de



Subvencións do concello de Narón; e nas Bases de execución do orzamento do exercicio 2024.

CAPÍTULO 13. Base de Datos Nacional de Subvencións

Este convenio será publicado na Base de Datos Nacional de Subvencións (BDNS) seguindo as indicacións do Real Decreto 130/2019, de 8 de marzo, polo que se regula a Base de Datos Nacional de Subvencións e a publicidade das subvencións e demais axudas públicas.

E en proba de conformidade co anterior asinan este documento por a un só efecto, en Narón, a 30 de decembro de 2024